

# Ün'autura emancipada ed independenta

Reedi quatter novellas da Selina Chönz

■ (anr/afi) Culla reediziun da las novellas «Scuvierta da l'orma» da Selina Chönz es ün'ulteriura part da sia prosa darcheu accessibla. L'autura dà ün'introspeziun in l'orma umana in diversas fasas da la vita. La chasa editura editionmevinapuorger ha reedi las quatter novellas illa «Scuvierta da l'orma» da Selina Chönz. Desch ons davu sia prüma novella «La chastlauna» vaiva la scripura engiadinaisa ed i sia terza publicaziun illa culana da la «Chasa Paterna». Culs duos toms es üna ulteriura part da la pro-

sa da Selina Chönz darcheu accessibla. Tuots duos volums cuntregnan ün vast glossari chi facilitescha la lectüra e l'indietta dals raquints e ch'è es gnü fat cun chüra filologica da *Jachen Andry*. Ils editurs Jachen Andry e *Mevina Puorger* rendan danouv accessibla l'ouвра litterara rumantscha da temps passats.

## Ün arch d'unità

Cun trenta ons ha publichà Selina Chönz sia prüma novella cul titel «La chastlauna». L'autura dà in quist raquint spazi ad üna duonna giuvna chi va via via individuala, chi s'emancipescha ed accomplicha seis giavüschs, e quai al cumanzament dal temp da la Refuorma in Engiadina'Öta. Desch ons pli tard da Chönz ün'introspeziun in l'orma umana in diversas fasas da la vita. Tenor l'editura Mevina Puorger fuorman ils quatter titels ün arch d'unità. «Nus tils pudiam legger sco las quatter parts simbolicas ed allegoricus dal di o lura las quatter fasas d'una vita umana», uschè Puorger in sia postfaceziun. Plünavant es ella da l'avis cha Selina Chönz merita da gnir deliberada dal cliché da l'Uorsin e da la Flurina. «Ella ha scrit eir prosa, novellas e raquints, e desgnir percepida sco autura putera cun buns meritis e na be sco autura dals versins da pops sper ils disegns dad Alois Carigiet.»

## Da l'amur e da la vita

In Prüma prümavaira survain il lectur il purtret d'una prüma amur e d'una prü-

ma dischillusiun, ma eir dad ün act emancipatori. Ingliua es stü glim per gnir our d'scoula ed inamurada in seis conscolar Tanign. Per til muosar sia affecziun ha la adüna pront seis curtein per til imprestar a Tanign e per pudair entrar uschè in contact cul mat da seis cour. Il curtein es il fil cotschen da quist raquint: El sto spetter fin ch'el das-cha gnir dovrà cun onur per intagliar ed unir, e na ferir e separar. I' raquint Flur da sted es ün giuven creschü chi nu riva da decider a quala da sias trais marusas ch'el less tour sco spusa. Ün giuven spagnöl güda al giuven rumantsch d'as decider per ün da las vias pussiblas da seis futur. Larschs in fö descuva ün amur na vivüda d'una duonna mädura. L'inscunter imprevis cun sia prüma gronda amur bütra sutura l'equilber da la vita da duonna Nina. Ella bada cha sia lai nun es uschè ferma ed ella d'vainta perfin rivala da s'algna figlia. In Terra alva moura ün hom cun seis sömni da dudir almain per ün jada ün da sias composiziuns. In agonia d'oda' l'ia musica ed es in baselgia vi da seis orgel amà. Infant es sia duonna our d'chà per schlubliar ils anels da spus cunter ils cudeschs amats da seis hom ferm amala. In quist quart raquint dà l'autura il purtret tragic da duos persunas chi vivan sco duos esters suot il listess tet unidas tras la lai.

## «Scriptura cun format»

Selina Chönz ha passatà s'infanzia a Samedan. A Berna ha la frequentà la scola-



L'editura Mevina Puorger renda accessibla l'ouвра litterara rumantscha da temps passats. FOTOS: EDITIONMEVINAPUORGER

ziun da muossadra da scoulina da Montessori. Davo divers sogiuorns da lingua l'ester ha la chattà sia prüma piazza da lavur a Zuoz. Da l'on 1939 ha Selina Chönz maridà a l'architect lachen Ulrich Könz. Insembel culs quatter mats da la prüma lai da Könz han els tut domicil a Guarda ingio ch'è nat da l'on 1940 lur figl Steivan Liun. Culla trilogia dals cudeschs d'uffants ha Selina Chönz insembel cun l'artist Alois Carigiet realisà ün importanta ouвра mundiala per la litteratura pels uffants. L'autura engiadinaisa

vaiva, tenor Mevina Puorger, ün ferma brama dad esser creativa, da gnir accettata sco duonna emancipada ed independenta e sco scriptura cun format. «Eir l'ouвра drizzata al lectur creschü dess eser accessibla e preschainta, sper quella pels uffants chi nun ha mai gnü fida da chattar la via al grond publico, uschè Mevina Puorger.

Ils cudeschs dad editionmevinapuorger as poja retrar illa Lia Rumantscha ed illas libratias chi vendan cudeschs rumantschs.



La chasa editura editionmevinapuorger ha reedi la «Scuvierta da l'orma» da Selina Chönz.